

REGLUGERÐ FRAMKVÆMDASTJÓRNARINNAR (EB) nr. 599/2003**2005/EES/58/08**

frá 1. apríl 2003

um breytingu á reglugerð (EBE) nr. 2092/91 um lífræna framleiðslu landbúnaðarafurða og merkingar þar að lútandi á landbúnaðarafurðum og matvælum (*)FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 2092/91 ⁽¹⁾ frá 24. júní 1991 um lífræna framleiðslu landbúnaðarafurða og merkingar þar að lútandi á landbúnaðarafurðum og matvælum, eins og henni var síðast breytt með reglugerð framkvæmdastjórnarinnar (EB) nr. 223/2003 ⁽²⁾, einkum öðrum undirlið 13. gr.,

og að teknu tilliti til eftirfarandi:

- 1) Verndun heilbrigðis og velferðar dýra hlýtur einkum að byggjast á fyrirbyggjandi ráðstöfunum, t.d. vali á kyni og stofnum og réttri samsetningu fóðurs.
- 2) Í reglugerð (EBE) nr. 2092/91 eru settar fram nákvæmar kröfur um samsetningu fóðurs. Einkum eiga lífsnauðsynleg efni á borð við vítamín að fást með náttúrlegum hætti, þ.e. með fóðri.
- 3) Samræmdar reglur um lífræna búfjárframleiðslu voru settar nýlega og vera kann að dýraræktarmenn eigi enn í erfiðleikum með að útvega dýr sem geta aðlagast staðháttum og/eða að koma á viðunandi stjórnunarkerfi og að sjá dýrunum fyrir þeim frumþáttum sem þau þarfnast til að ná réttum vexti, einkum tilteknum fituleysanlegum vítamínum fyrir jörturdýr.
- 4) Undanþágu er því þörf til að leyfa, í undantekningar-tilvikum og aðeins á aðlögunartímabili, notkun A-, D- og E-vítamína við sérstakar aðstæður.

5) Leyfinu fylgir sú kvöð að aðildarríkin tilkynni framkvæmdastjórninni um það.

6) Nefndin, sem komið var á fót í samræmi við 14. gr. reglugerðar (EBE) nr. 2092/91, skilaði ekki álitni innan þeirra tímamarka sem formaðurinn setti. Framkvæmdastjórnin hefur samkvæmt fjórðu málsgrein 14. gr. reglugerðar (EBE) nr. 2092/91 vísað tillögunni til ráðsins. Þar eð ráðið tók ekki afstöðu innan þess þriggja mánaða frests, sem kveðið er á um í fimmtu málsgrein 14. gr. sömu reglugerðar (EBE) nr. 2092/91, ber framkvæmdastjórninni að samþykkja fyrirhugaðar ráðstafanir.

SAMÞYKKT REGLUGERÐ ÞESSA:

1. gr.

Reglugerð (EBE) nr. 2092/91 er breytt sem hér segir:

- a) B-hluta I. viðauka er breytt í samræmi við 1. lið viðaukans við þessa reglugerð,
- b) C- og D-hluta II. viðauka er breytt í samræmi við 2. lið viðaukans við þessa reglugerð.

*2. gr.*Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 1. apríl 2003.

Fyrir hönd framkvæmdastjórnarinnar,

Franz FISCHLER

framkvæmdastjóri.

(*) Þessi EB-gerð birtist í Stjtið. ESB L 85, 2.4.2003, bls. 15. Hennar var getið í ákvörðun sameiginlegru EES-nefndarinnar nr. 143/2003 frá 7. nóvember 2003 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbætur við Stjórnartíðindi Evrópusambandsins* nr. 7, 12.2.2004, bls. 22.

⁽¹⁾ Stjtið. EB L 198, 22.7.1991, bls. 1.

⁽²⁾ Stjtið. EB L 31, 6.2.2003, bls. 3.

VIÐAUKI

1. Eftirfarandi komi í stað liðar 4.10 í B-hluta I. viðauka við reglugerð (EBE) nr. 2092/91:
 - „4.10. Að því er alifugla varðar skal fóður þeirra í sláturreldi innihalda að minnsta kosti 65% korn, sem er blanda af korni, prótínjurtum og olíufræjum.“
2. Ákvæðum II. viðauka við reglugerð (EBE) nr. 2092/91 er breytt sem hér segir:
 - a) Við C-hluta bætist eftirfarandi liður 2.3:
 - „2.3. Egg og eggjaafurðir til fóðrunar alifugla, helst frá sömu bújörð.“
 - b) D-hluta er breytt sem hér segir:
 - i) Eftirfarandi undirgrein bætist við lið 1.2:

„Þrátt fyrir fyrstu undirgrein og á aðlögunartímabili sem lýkur 31. desember 2005 er lögbærum yfirvöldum hvers aðildarríkis heimilt að leyfa notkun tilbúinna vítamína af gerðinni A, D og E fyrir jörturdýr að eftirfarandi skilyrðum uppfylltum:

 - tilbúin vítamín eru eins og náttúrleg vítamín og,
 - leyfið, sem aðildarríkin gefa út, byggist á nákvæmum viðmiðunum og er tilkynnt til framkvæmdastjórnarinnar.

Framleiðendur geta aðeins nýtt sér þetta leyfi ef þeir hafa sýnt skoðunaraðila eða -yfirvaldi aðildarríkis fram á það með óyggjandi hætti að ekki sé unnt að tryggja heilbrigði og velferð dýra í landi þeirra án þessara tilbúnu vítamína.“
 - ii) Eftirfarandi liður 2 bætist við :
 - „Ölger“.